



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 52 DE SU 15/03/2023

OGETU: AINAS BÈCIAS – ANNOAMENTU DE S'INVENTÀRIU COMUNALI - ATU DE INDIRITZU.

S' annu 2023, su 08 de su mesi de Martzu a ora de is 12.30, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

<i>Nòmini e Sangunau</i>	<i>Càrriga</i>	<i>Presenti</i>
Beniamino Garau	Sìndigu	Eja
Dessi Donatella	Assessori	Eja
Frongia Pietro	Assessori	Eja
Montis Giovanni	Assessori	No
Sorgia Silvia	Assessori	Eja
Solinas Marco	Assessori	Eja
Garone Katuscia	Assessori	Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Biu s'art 230, c. 7, de su D.Lgs n.267/2000 chi acrarat ca is Entis Localis depint fai s'annoamentu de is inventàrius cada annu;

Bida sa delibera de Consillu Comunali n.10 de su 21/02/2023 de aprovatzioni de su Regulamentu de Contabilidadi, chi in su tìtulu XIII disciplinat "S'INVENTÀRIU" e in s'art. 71, disciplinat sa dismissioni de is benis mòbilis in s'in casu no si potzant impreai prus, s'at a depi deccarai cun provedimentu de sa Giunta Comunali cun proposta de su Servitziu Economau e bogau de s'inventàriu;

Cunsiderau finas su chi previdit su pròpiu articulu:

-sa corriedda 2 lit. b) previdit de donai custus benis a àterus sugetus, assòtzius, entis o organizatzionis de voluntàrius abarrendi firma sa deliberatzioni de sa Giunta Comunali;

-sa corriedda 2 lit.c) previdit ca is benis sena valori de mercau e chi no si podint prus impreai tocat a nci ddus fuliai;

Cunsiderau ca is arredus scolàsticus de is scolas primàrias e secundàrias de primu gradu, e finas is banchitus a duus postus, nci ddus ant dismìtius, e arrempraus cun is bancus nous;

Postu chi custas ainas no ddas impreant prus;

Torrada sceda de donai a s'oratòriu parrochiali, chi nc'at presentau rechesta, unus cantu bancus in cunditionis bellas chi serbint a s'oratòriu;

Postu chi custus bancus no tenint valori e no si podint bendi;

Postu chi tocat a donai a su Responsàbili de su setori de cumpetèntzia is lìnias de indiritzu po cuncordai totu su chi serbit a custa dismissioni de benis;

Ca tocat a cumpriri custas dismissionis cunforma a sa normativa in vigèntzia;

Postu finas chi in contu de su patrimoniu informàticu de su Comunu de Cabuderra, nci funt ainas informàticas chi no si podint prus imperai;

Cunsiderau chi s'Ufitziu informàticu at averiguau is ainas informàticas e at aprontau is verbalis de dismissioni afatantis: -Verbali Prot.I n.15744 de su 03/03/2023; -Verbali Prot.I n.17358 de su 10/03/2023;

Arriciu parri a favori de regularidadi tècnica e contàbili cunforma a s'art. 49, c. 1, de su D.Lgs. n. 267/2000, de parti de sa Responsàbili de su Setori Finanziàriu Sa Dot. Cambiganu;

Cun votatzioni a favori.

DELÌBERAT

Sa dismissioni de is benis comunalis arremonaus in susu;

De donai s'incàrrigu a is responsàbilis de cumpetèntzia de cumpriri sa dismissioni de custus benis de su Comunu;

De trasmiti còpia de sa deliberatzioni a su Servìtziu Finanziàriu po sa registratzioni de is dismissionis de s'inventàriu comunali;

De decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.
